

20. indolem is accedit. Qualitatibus hisce tribus exsuperatis mortalis, e corpore genitis, genitura, morte, senio ac molestia liberatus, ambrosia vescitur.

ARJUNAS loquitur :

21. Quibusnam signis, qui qualitates hasce exsuperavit, dignoscitur, domine? quamnam vitam professus? et quomodo praevertit hasce tres facultates?

ALMUM NUMEN loquitur :

22. Qui tum claritudinem, tum alacritatem, tum stuporem, o Panduida, non aversatur, quando ea sese expromunt, neque, quando  
23. do recedunt, desiderat; assidens tanquam hospes, qui, persuasus qualitates *intra fines suos* versari, consistit, neque vacillat;  
24. idem in molestia ac voluptate, sui compos, cui nihil interest inter glebam, lapidem et aurum, aequus in rebus gratis.  
25. ingratisque, aequus in vituperio ac sui laude, in dignitate ac contumelia aequus, aequus inter utrasque partes, amicorum vel hostium; qui cuncta incepta dimisit: is qualitates  
26. exsuperasse dicitur. Quique me non aliorum evagante cultus devotione veneratur, is, qualitatibus hisce exsuperatis,  
27. ad conditionem divinam conformatur. Numinis nimirum ego sum sedes, ambrosiaeque incorruptibilis, legisque aeternae, ac voluptatis immensae.

LECTIO XV.

ALMUM NUMEN loquitur :

1. Sursum agentem radices, deorsum agentem ramos ficum religiosam *quandam* praedicant perennem, cuius folia sunt versus: qui hunc novit, is librorum sacrorum gnarus est. De-